

Rapport dalla seduta dil cussegl da vischnaunca dils 11 d'avrel 2018 ad Andiastr

Beinvegni ed avertura

Il president dil cussegl, Maurus Tomaschett, fa a tuts presents in cordial beinvegni alla seduta da questa sera.

La gliesta da tractandas, la quala ei vegnida tarmessa tier cun l'invitaziun, vegn suttamessa alla discussiun. Damai ch'ei vegn buca fatg diever da tala ei la gliesta per la seduta da questa sera ligionta.

1. Approbaziun dil protocol dalla seduta dil cussegl dils 28 da fevrer 2018

Il protocol ei vegnius tarmess allas cusseglieras ed a tuts cusseglers. Il president dil cussegl suttametta el alla discussiun. Da tala vegn buca fatg diever. Il protocol vegn approbaus unanim.

2. Elecziun: cumissun da scola

Per l'entschatta digl onn da scola 2018/19 sto ina nova cumissiun da scola vegnir elegida. La suprastanza fa las suandontas propostas:

Sievi Sgier, genau (president)
Carmelia Gort, Danis commembra
Patric Maissen, Breil commember
Cornelia Deplazes-Cathomen, Breil commembra
Annina Veraguth, Vuorz commembra

Ei vegn fatg neginas ulteriuras propstas. Cun tscharna unanima elegia il cussegl las persunas proponidas dalla suprastanza per la perioda da quater onns.

3. Elecziun: cumissiun lavur da giuventetgna

Cun la fin dil 2017 ei vegniu sligiau si il contract dalla lavur da giuventetgna Cadi. La suprastanza ha decidu da far enzatgei semegliant per la vischnaunca da Breil. Per quei intent fa la suprastanza suandontas propostas per la cumissiun lavur da giuventetgna:

Sievi Sgier genau
Carmelia Gort, commembra cumissiun da scola
sur Marcel Köhle, plevon
Beni Berther, scolast superiur
Roman Cathomas, genau

Ulteriuras propostas dat ei neginas. Cun tscharna unanima elegia il cussegl la cumissiun lavur da giuventetgna sco proponiu dalla suprastanza.

4. Approbaziun: cunvegna ASA Sablun

En connex cun la fusiun ha la vischnaunca da Breil da surprender ils cuosts da menaschi dalla serenera ASA Sablun (cumpart Vuorz e Andiast). Entochen la fin 2017 vegneva quella serenera administrada entras ina associaziun. Cun la fusiun ei quella associaziun buca pli necessaria e sa vegnir schligiada si. L'administraziun dalla serenera vegn naven digl 1 da schaner 2018 fatga entras la vischnaunca da Ilanz/Glion. Per il menaschi dalla serenera ha la vischnaunca da Ilanz/Glion tschentau si ina cunvegna da prestaziun. Clau Schlosser menziunescha ils puncts principals en quella cunvegna.

La discussiun vegn dada libra. Sin las damondas tschentadas sa vegnir dau risposta. Cun tscherna unanima decida il cussegl il suandont:

1. L'Associaziun ASA Sablun vegn sliada si retroactiv per ils 31 da december 2017
2. La cunvegna da prestaziun cun la vischnaunca da Ilanz/Glion vegn approbada naven digl 1 da schaner 2018.

5. Reponderaziun: lescha per carrar sin vias da cuolm

En la davosa seduta dil cussegl ei la lescha per carrar sin vias da cuolm vegnida approbada. La suprastanza ha silsunter aunc ina gada consultau la lescha cantunala da vias d'uaul ed ha fatg al cussegl differentas propostas per adattaziuns. Clau presenta al cussegl las midadas ed adattaziuns che vegnan proponidas.

Art. 2 niev i) Quei che ei buca reglau en quella lescha, vegn reglau tenor las ordinaziuns cantunalas.

Art. 3 niev g) Vehichels a motor per personas che han lur domicil en vischnaunca, ni che han proprietad da habitar en vischnaunca.

Persuenter vegn strihau: *f) Vehichels a motor d'indigens per survetschs d'apport*

Art. 5 a) lubientscha d'ina sesiun per vehichels tochen 3.5 t cuosta frs. 30.00

c) vehichels a motor sur 3.5 t pagan per viadi sin tut las vias cun in scamond da carrar per camiuns frs. 100.00

La discussiun vegn dada libra. Sin las damondas tschentadas sa vegnir dau risposta. Cun tscherna unanima approbescha il cussegl la lescha per carrar sin vias d'alp, d'uaul e funsilas cun vehichels a motor cun las midadas presentadas. Quella lescha entra reactiva naven digl 1 da schaner 2018 en vigur.

6. Approbaziun: lescha per recepziun da burgheis

Il president communal repassa la lescha en detagl e menziunescha las adattaziuns e midadas enviars il regulativ vegl dalla vischnaunca da Breil. Quellas adattaziuns han stuiu vegnir fatgas, cun quei che la lescha cantunala ha midau.

La discussiun vegn dada libra. Sin las damondas tschentadas sa vegnir rispundiu. Cun tscherna unanima approbescha il cussegl la nova lescha per recepziun da burgheis. Quella lescha entra reactiv naven digl 1 da schaner 2018 en vigur.

7. Approbaziun: lescha davart il lungatg official communal

Il president communal repassa la lescha en detagl e menziunescha las adattaziuns e midadas enviars il regulativ vegl dalla vischnaunca da Breil.

La discussiun vegn dada libra. Sin las damondas tschentadas sa vegnir rispundiu. Cun tscherna unanima approbescha il cussegl la nova lescha davart il lungatg official communal. Quella lescha entra reactiv naven digl 1 da schaner 2018 en vigur.

8. Approbaziun: lescha vischinadi

Entochen ussa aveva mintga vischinadi in agen reglament. La suprastanza ha sin recumondaziun dil cantun elavurau ora mo ina lescha per tut ils vischinadis. Il president communal repassa la lescha en detagl e menziunescha las adattaziuns e midadas enviars il regulativ vegl dalla vischnaunca da Breil.

Duront la deliberaziun dalla fatschenta en detagl, vegnan ils suandonts artechels adattai:

Art. 1 il plaid “*fracziuns*” vegn midaus cun “*vischinadis*”

Art. 4 pct. 2 “...*sin tabla da publicaziuns ni...*” vegn strihau. Aschia vegn publicau mo el Fegl official dalla Surselva.

La discussiun vegn dada libra. Sin las damondas tschentadas sa vegnir rispundi. Cun tscharna unanima approbescha il cussegl la nova lescha da vischinadi. Quella lescha entra reactiv naven digl 1 da schaner 2018 en vigur.

9. Varia

Meinrad Schmed fa la damonda alla suprastanza co ei stetti cun la via da colligaziun denter Vuorz e Breil.

Clau sa informar sco suonda.

Il project dalla via vegn presentaus proximamein alla cumissiun da meglieraziun. El decurs da questa stad vegn quei project publicaus publicamein. Silsuenter stuein spetgar giu tgi e tgei protestas che vegnan inoltradas. Aschiditg che la via da colligaziun ei buca fatga vegnan las scolas primaras e la scoletta vinavon instruidas giu Rueun. Tier la scola superiura vegn decidiu el decuors digl atun 2018 sco vinavon naven digl onn da scola 2019/20.

Maurus engrazia alla suprastanza per la buna lavur da preparaziun dallas fatschentas. Vinavon engrazia el als cussegliers per la presenza e la partizipaziun e giavischa in bien return a casa. El siara la seduta dallas 21:40 uras.

Breil, ils 12 d'avrel 2018

Il president

Maurus Tomaschett

Igl actuar

Curdin Cadonau